

UNIVERZITET U BIHAĆU

telefon/faks: 387 (0) 37 222-022
adresa: Kulina bana 2/2, 77000 Bihać
email: rektorat@unbi.ba



UNIVERSITY OF BIHAĆ

phone/fax: 387 (0) 37 222-022
address: Kulina bana 2/2, 77000 Bihać
email: rekorat@unbi.ba

Upravni odbor

Broj: 01- 495/2009
Bihać, 13. 03. 2009. godine

Izvod iz Zapisnika
sa V (pete) sjednice Upravnog odbora Univerziteta u Bihaću
održane dana 13. 03. 2009. godine

Prisutni:

1. Doc.dr Ekrem Pehlić, predsjednik
2. Prof.dr.Ramić Osman, član
3. Prof.dr.Vildana Alibabić, član
4. Halid Velagić, dipl. pravnik, član
5. Mr. Husein Murtić, član
6. Prof. dr. Nijaz Skender, član
7. Suad Mahmutović, prof., član
8. Doc.dr. Fadil Islamvić, član
9. Prim. dr. Suad Gačo, član
10. Prof. dr. Isak Karabegović, v.d.rektor
11. Prof.dr. Zemira Delalić, prorektor
12. Asija Cucak, dipl. pravnik, generalni sekretar

Za sjednicu je predložen slijedeći:
dnevni red:

1. Usvajanje Izvoda iz Zapisnika sa IV (četvrte) redovne sjednice Upravnog odbora Univerziteta u Bihaću, održane dana 17.02.2009. godine.
2. Obrazovanje stalnih komisija Upravnog odbora Univerziteta:
 - Komisije za Pravila i organizaciono pravna pitanja,
 - Komisija za razvoj i finansijsko poslovanje Univerziteta
 - Komisija za izbore, imenovanja i društvena priznanja.
3. Razmatranje Pravilnika o osiguranju kvaliteta na Univerzitetu u Bihaću.
4. Razmatranje Pravilnika o postupku izbora u akademska zvanja na Univerzitetu u Bihaću.
5. Razmatranje Pravilnika o načinu dodjele počasnog zvanja profesor emeritus.
6. Razmatranje Pravilnika o izdavačkoj djelatnosti Univerziteta u Bihaću.
7. Utvrđivanje Pravilnika o unutrašnjoj organizaciji i sistematizaciji radnih mjesta rektorata i sekretarijata Univerziteta.

8. Tekuća pitanja.

-2-

Predsjednik Upravnog odbora doc.dr. Ekrem Pehlić, otvorio je današnju sjednicu.

Prisutne članove upoznao je da današnjoj sjednici prisustvuje i prorektor za nastavu prof. dr. Zemira Delalić.

Prof. dr. Zemira Delalić, kratko se obratila prisutnim i zahvalila se članovima Upravnog odbora što su podržali prijedlog rektora, da se izabere za prorektora za nastavu na Univerzitetu u Bihaću.

Prof. dr. Isak Karabegović, v.d. rektora, predložio je da se na današnjoj sjednici pod tekućim pitanjima razmatra donošenje odluke o odlasku u Egipat, Kairo i Mađarsku i potpisivanja ugovora o međuuniverzitetskoj i naučno-istraživačkoj saradnji.

Prof. dr. Nijaz Skender, tražio je pojašnjenje vezano za tačku 5. dnevnog reda: Razmatranje Pravilnika o načinu dodjele počasnog zvanja profesor emeritus, istakao je i pitanja dostavljanja materijala za ovu sjednicu (stručna služba obavijestila ga je o materijalima u utorak a iste je preuzeo u srijedu).

Mr. Husein Murtić, objasnio je (zbog načina rada pošte u Velikoj Kladaši) da se pošta dostavlja na kućnu adresu na određeni dan u sedmici, iz kog razloga materijale ne dobija na vrijeme (da nije do stručne službe koja dostavlja materijale), ali da se ovo ima u vidu kod zakazivanja sjednice i slanja materijala.

Prof. dr. Nijaz Skender, tražio je da mu se da odgovor na postavljeno pitanje o Pravilniku o načinu dodjele počasnog zvanja profesor emeritusima.

Generalni sekretar, dala je pojašnjenje vezano za ovo pitanje. Upravni odbor svojom ranijom Odlukom, privremeno je stavio van snage primjenu postojećeg pravilnika, i obavezao rektora i stručnu službu na pokretanje procedure za donošenje novog pravilnika.

Predsjednik Upravnog odbora, predložio je s obzirom na dosadašnji rad, da se tekuća pitanja predlože kad ta tačka bude na dnevnom redu. Također je predložio da se pravilnici stave na dnevni red, da se glasa o predloženom dnevnom redu, a diskusije o pojedinim tačkama iznose tokom rada Upravnog odbora.

Predloženi dnevni red jednoglasno je usvojen.

Tok sjednice:

Ad.1. Izvod iz Zapisnika sa IV (četvrte) redovne sjednice Upravnog odbora Univerziteta u Bihaću održane dana 17.02.2009.godine, usvojen sa primjedbama koje su iznijeli članovi Upravnog odbora, a odnose se na slijedeće:

Doc. dr. Ekrem Pehlić, vezano za izvod iz zapisnika sa IV sjednice, rekao je da su u isti korektno ugrađene primjedbe i sugestije koje su iznesene na predhodnoj sjednici. Da je na predhodnoj sjednici tražio da se u zapisnik unesu diskusije koje su bitne i da zapisnik bude u širem obliku, bez obzira što se sjednice i tonski snimaju, te da se zahvaljuje službi koj je odradila ovaj zapisnik. Ukazao je na tehničke greške u zapisniku i tražio da se iste otklone.

Suad Mahmutović, prof., naglasio je da zapisnik ima puno grešaka koje se trebaju ispraviti, da one nisu samo tehničke prirode nego i suštinske. Da se izvod iz zapisnika prije dostavljanja članovima Upravnog odbora treba lektorirati i da se zapisniku treba posvetiti više pažnje.

Doc. dr. Fadil Islamović, imao je intervenciju na zapisnik: da se u taci Ad. 8. na strani 7., u Odluci o prihvatanju plaćanja članarine za EUA, doda da članarina iznosi 2.284 eura.

Također je tražio pojašnjenje kod tačke Ad.6. vezano za Zaključak Upravnog odbora Univerziteta da se uradi prijedlog Pravilnika o plaćama zaposlenika Univerziteta u Bihaću.

Prof. dr. Isak Karabegović, predložio je da se kod Odluke o utvrđivanju naknade za članove komisije za nostrifikaciju stave niži iznosi, jer su isti u nesrazmjeri sa uplatom koju kandidati

uplaćuju za nostrifikaciju. Predložio je da se iznos koji uplaćuju kandidati razpodjeli u omjeru 40% rad komisije, 20% porezi, 20% troškovi koje ima Univerzitet, 20% da ostaje Univerzitetu.

-3-

Prof. dr. Nijaz Skender, ukazao je na tehničku grešku kod svog imena na srani 4. zapisnika, kod imenovanja stručnog tima.

Doc. dr. Ekrem Pehlić, istakao je da se kod zapisnika ne može raspravljati o odlukama koje su usvojene i zapisnički konstatirane.

Prof. dr. Isak Karabegović, predložio je da se u tom slučaju pod tekućim pitanjima stavi revidiranje Odluke Ad.9. (naknada za rad komisijama za nostrifikaciju).

Na pitanje koje je postavio doc. dr. Fadil Islamović, vezano za Pravilnik o plaćama zaposlenika Univerziteta, odgovor je dao v.d. rektora Isak Karabegović, pojašnjavajući da je Vlada USK-a tražila da se delegiraju predstavnici ispred poslodavca i predstavnici ispred sindikata u radnu grupu koja će zajedno sa predstavnicima resornog ministarstva raditi na usaglašavanju Pravilnika..

Ad. 2. Obrazovanje stalnih komisija Upravnog odbora Univerziteta:

2.1. Komisije za Pravila i organizaciono pravna pitanja,

2.2. Komisije za razvoj i finansijsko poslovanje Univerziteta

2.3. Komisije za izbore, imenovanja i društvena priznanja

Predsjednik Upravnog odbora, pojasnio je da je formiranje ovih komisija regulirano odredbama člana 164. Pravila Univerziteta u Bihaću. Da se u komisije bira pet članova, te predlaže da se u svaku izaberu tri člana iz reda Upravnog odbora, a da dva člana predloži rektor ispred visokoškolskih ustanova. Po ovom pitanju rektor se izjasnio da će članove ovih komisija predložiti Univerzitetsko nastavno-naučno vijeće. Članovi Upravnog odbora su nakon usaglašavanja datih prijedloga, jednoglasno usvojili da se:

u Komisiju za izbore, imenovanja i društvena priznanja ispred Upravnog odbora Univerziteta u Bihaću, imenuju:

- Prof. dr. Osman Ramić, predsjednik komisije,
- Mr. Husein Murtić, član
- Suad Mahmutović, prof., član;

u Komisiju za pravila i organizaciono pravna pitanja, ispred Upravnog odbora Univerziteta u Bihaću, imenuju:

- Halid Velagić, dipl. pravnik, predsjednik komisije,
- Prof. dr. Nijaz Skender, član
- Doc.dr. Fadil Islamović, član.

u Komisiju za razvoj i finansijsko poslovanje Univerziteta, ispred Upravnog odbora Univerziteta u Bihaću, imenuju:

- Prof. dr. Vildana Alibabić, predsjednik komisije
- Prim. Suad Gačo, član
- Doc. dr. Ekrem Pehlić, član.

Univerzitetsko nastavno-naučno vijeće u ove komisije, imenovat će dva člana ispred visokoškolskih ustanova Univerziteta u Bihaću.

Ad. 3. (Ad.4.; Ad.5.; Ad.6. i Ad.7.)

Razmatranje Pravilnika o osiguranju kvaliteta na Univerzitetu u Bihaću, Pravilnika o postupku izbora u akademska zvanja na Univerzitetu u Bihaću, Pravilnika o načinu dodjele počasnog zvanja profesor emeritus, Pravilnika o izdavačkoj djelatnosti Univerziteta u Bihać i Pravilnika o unutrašnjoj organizaciji i sistematizaciji radnih mjesta rektorata i sekretarijata Univerziteta.

Ad.3.Razmatranje pravilnika o osiguranju kvaliteta na Univerzitetu u Bihaću.

Predsjednik Upravnog odbora, u skladu sa članom 186. Pravila Univerziteta u Bihaću, pojasnio je, da inicijativu za donošenje, izmjenu i dopunu opštih akata mogu dati: udružene ustanove, Univerzitetsko nastavno-naučno vijeće, rektor Univerziteta, odgovarajuća komisija ili druga stručna tijela Upravnog odbora Univerziteta. Pojasnio je da se radi o pravilnicima koji nisu postojali na Univerzitetu, te da se trebaju donijeti u proceduri kako to predviđaju Pravila Univerziteta.

Prof. dr. Osman Ramić, dao je prijedlog da u Pravilniku o osiguranju kvaliteta, član 8.i 10; 15. i 16.; te 19. i 20.; zamijenu mjesta radi logičnijeg slijeda, kao i da se u tekstu pravilnika riječ «vrijednovanje» zamjeni rječju «vrednovanje».

Prof. dr. Nijaz Skender, predložio je da se kad je u pitanju osnivanja centra za osiguranje kvaliteta ide na urede za osiguranje kvaliteta iz razlog što su centri mnog širi.

Prof. dr. Isak Karabegović, je za prijedlog da se formiraju centri za osiguranje kvaliteta. Ovo je obrazložio da će doći do usvajnja Zakona o visokom obrazovanju, da će doći do integracije Univerziteta, da ima dosta angažiranih osoba koje rade po pitanju osiguranja kvaliteta i sa nivoa fakulteta.

Predsjednik Upravnog odbora doc. dr. Ekrem Pehlić, istakao je, da je za donošenje ovih pravilnika. Predlaže da se, pošto se radi o pet pravilnika koji se trebaju donijeti, pismene primjedbe dostave komisiji koja bi ih razmatrala. Naglasio je, da se treba ispoštovati procedura donošenja ovih pravilnika prema članu 186., s tim da se ovi pravilnici u prema odredbama člana 186. moraju dostaviti Ministarstvu obrazovanja radi utvrđivanja da li su isti usaglašeni sa zakonom.

Prof. dr. Isak Karabegović, v.d. rektor nije se složio sa iznesenim. Naglasio je, da ako se ovako bude radilo ovog Univerziteta nema. Ne radi se o donošenju statuta, pa da se otvara javna rasprava od članice do članice. Pravilnike je usvojilo Univerzitetsko nastavno-naučno vijeće i dostavilo ih Upravnom odboru, jer u Pravilima stoji da ih donosi Upravni odbor. Kakve su ingerencije Upravnog odbora, kad su u pitanju izbori u akademska zvanja, ima ih u dijelu koji stoji u pravilima, da ih donosi Upravni odbor. Mi ćemo imati pravila, bit će stanje ovakvo kakvo jeste, a u ovakvom stanju ne želim da učestvuje. Prof. dr. Isak Karabegović napustio je sjednicu Upravnog odbora.

Prof. dr. Nijaz Skender, rekao je da iznesene primjedbe i neslaganje rektora po ovom pitanju, nije razlog da se napušta sjednica. Nama je svima cilj Univerzitet. Smatram da niko nije došao sa ciljem da Univerziteta nema, već da ga ima. Lično sam bio suprotstavljen u svojim stavovima ovom Upravnom odboru, ali sam prihvatao odluke koje je donosio. Mi smo jedno tijelo koje treba da radi i mora da radi. Tu smo da rješavamo probleme.

Doc. dr. Fadil Islamović, mišljenja je da danas svako od članova Upravnog odbora treba da da svoj doprinos na unapređenju teksta ovih pravilnika. Ovo iz razloga, ako i bude radila komisija upravnog odbora, imala bi sugestije i primjedbe na ove pravilnike. Bolje je da se prerade pravilnici i da se sugestije i primjedbe unesu u zapisnik.

Prof. dr. Vildana Alibabić, mišljenja je da se ovi pravilnici mogu razmatrati, pravilnike je usvojilo Univerzitetsko nastavno-naučno vijeće koje čine dekani visokoškolskih ustanova.

Predsjednik Upravnog odbora doc. dr. Ekrem Pehlić, rekao je da je o ovom razgovarao sa generalnim sekretarom, da je dobio odgovor da pravilnici trebaju ići na Upravni odbor a da je dobio i pismeni odgovor generalnog sekretara.

Asija Cucak, generalni sekretar, dala je pojašnjenje da je napisala odgovor o kojem govori predsjednik Upravnog odbora, da je isti uputila i rektoru, a radi usaglašavanja stavova oko nadležnosti za donošenje opštih akata. Na prijedlog predsjednika Upravnog odbora pročitala je odredbe člana 186. Pravila Univerziteta u Bihaću.

Halid Velagić, dipl. pravnik, rekao je da je predlagač ovih pravilnika Univerzitetsko nastavno naučno vijeće ispred kojeg je rektor obrazložio ove pravilnike. Ako bi se ovi pravilnici prihvatili kao nacrt, onda bi se mogla nastaviti procedura prema člnu 186. pravila Univerziteta u Bihaću. Imali bi ispoštovan stav 1. i 2.ovog člana, članice bi se u roku od 15. dana mogle odrediti prema ovim pravilnicima.

Prof. dr. Nijaz Skender, obratio se generalnom sekretaru po pitanju nastale situacije. Po njegovom mišljenju, generalni sekretar je trebao dati mišljenje rektoru i Upravnom odboru, radi se o dvostrukoj igri koja se trebala razriješiti prije sjednice Upravnog odbora.

Suad Mahmutović, prof., rekao je da se u ovom slučaju išlo obrnutim redom. Za ovu sjednicu trebalo je predložiti komisije. Predlaže, da se od pravne službe traži da svaka odluka pravne prirode, prođe kroz pravnu službu i bude usaglašena kad dođe ovdje, kad je u pitanju prijedlog odluka koje su finansijske prirode treba, također treba da prođe filter finansijske službe.

Prof. dr. Osman Ramić, istakao je da je ovdje urađen posao koji treba cijeniti, uloženo je dosta rada u ovo, cijenim da upravni odbor treba dati svoj doprinos. Ja svoju ulogu u Upravnom odboru shvatam ozbiljno i nije mi teško da se pripremim za sjednicu, proučio sam ove materijale i zabilježio sam primjedbe koje imam. Podržao di prijedlog koji je gosp. Halid iznio, uvažavam da su materijali mogli doći ranije. Primjedbe na pravilnike trebale bi doći pismenim putem. Mi bi smo ove pravilnike trebali usvojiti u formi nacarta, da se ne nađemo u nekom neizlazu. Bio bih za prijedlog što je iznio gosp. Halid Velagić, ukoliko možemo.

Prim. dr. Suad Gačo, mišljenja je da odluke koje donosi Upravni odbor Univerziteta moraju biti usaglašene sa pozitivnim zakonskim propisima. Imamo šefa finansijske službe i pravnike, sada treba iznaći rješenje kako postupiti, u ostalom se slažem sa diskusijom g-dina Suada Mahmutovića.

Predsjednik Upravnog odbora doc.dr. Ekrem Pehlić, predložio je da, bez obzira što nema predstavnika predlagača ovih pravilnika, generalni sekretar da svoje mišljenje.

Halid Velagić, dipl. pravnik, prije traženog odgovora dao je prijedlog, u cilju izlaženja iz trenutne situacije, da se ide u pravcu da se pravilnici usvoje u formi nacarta, budući da je Pravilnik o sistematizaciji i unutrašnjoj organizaciji Univerziteta također usvojen u formi nacarta i nastavi procedura kako je već predložio.

Asija Cucak, generalni sekretar, iznijela je da će dati osvrt na zakonske propise, prije svega na činjenicu da je Zakon o visokom obrazovanju u BiH stupio na snagu, ali da još uvijek nisu usaglašeni zakonski i pozakonski akte kad je u pitanju ovaj Zakon. Pravila Univerziteta Univerziteta u Bihaću, su takva kakva jesu, ona su važeća i na snazi. Imamo situaciju da smo dobili Okvirni Zakon (koji je na snazi više od godinu i pol) u kojem stoji da se moraju usuglasiti kantonalni zakoni a samim tim i podzakonski akti. Da smo dobili Zakon, mi danas ne bi imali tu dilemu. Imali bi riješeno pitanje, koja opšta akta donosi Univerzitetsko nastavno-naučno vijeća (akta vezano za nauku, nastavu, i dr. sručna pitanja) a koja Upravni odbor (akta finsijske prirode, poslovanja i sl.). Pravila Univerziteta su donesena 2000.-te godine. Osnovno je da se opći akti donose u formi nacarta i formi prijedloga, da je Pravilima definiran postupak donošenja, te bez obzira što predlagač nije tu, trebalo bi ići ka iznalaženju rješenja za donošenju odgovarajućih odluka.

Halid Velagić, dipl. pravnik, na tragu rješenja da se ova situacija riješi na odgovarajući način i u skladu sa zakonom, predložio da se podrži inicijativa predlagača ovih akata. Da Upravni odbor prihvati da su to nacrti, koji će se prosljediti na raspravu udruženim članicama Univerziteta, da se u roku od 15 dana izjasne o nacrtima. Nakon prijema izjašnjenja od članica Komisija Upravnog odbora da utvrdi prijedlog pravilnika, i dostavi Upravnom odboru konačan tekst. Tim pravcem bi ispoštovali sve ono što traži član 186. Pravila.

Predsjednik Upravnog odbora, doc.dr. Ekrem Pehlić, složio se sa datim prijedlogom: da se predloženi Pravilnici usvoje u formi nacрта i u upute u redovnu proceduru u skladu sa odredbama Pravila Univerziteta u Bihaću.

Nakoz zaključene diskusije, člarnovi Upravnog odbora podržali su inicijativu za donošenje ovih pravilnika, te jednoglasno donijeli

ODLUKU o usvajanju nacрта Pravilnika

I

U formi nacрта usvajaju se slijedeći Pravilnici:

- Pravilnik o osiguranju kvaliteta na Univerzitetu u Bihaću,
- Pravilnik o postupku izbora u akademska zvanja na Univerzitetu u Bihaću,
- Pravilnik o načinu dodjele počasnog zvanja professor emeritus.

II

Zadužuje se stručna služba Univerziteta u Bihaću, da shodno odredbama člana 186. Pravila Univerziteta u Bihaću, Pravilnike iz tačke I ove Odluke, zajedno sa nacrtom Pravilnika o izdavačkoj djelatnosti Univerziteta u Bihaću i nacrtom Pravilnika o unutrašnjoj organizaciji i sistematizaciji radnih mjesta rektorata i sekretarijata, dostavi visokoškolskim ustanovama Univerziteta u Bihaću.

Ad.8. Tekuća pitanja:

- pod tekućim pitanjima Upravni odbor usvojio je da se razmatra:

- 8.1. Preispitivanje Odluke Upravnog odbora o visini naknade komisijama za nostrifikaciju magistarskih i doktorskih diploma
- 8.2. Odlazak rektora i prorektora Univerziteta u posjetu u Egipat, Litvaniju i Mađarsku radi potpisivanja ugovora o međuuniverzitetskoj i naučno-istraživačkoj saradnji
- 8.3. Informacija prof.dr. Vildane Alibabić o provedenim aktivnostima
- 8.4. Izvještaj o radu za 2008. godinu i program rada za 2009 godinu
- 8.5. Pokretanje stručnog časopisa na nivou Univerziteta.

8.1. Prijedlog v.d. rektora, za preispitivanje Odluke Upravnog odbora o visini naknade komisijama za nostrifikaciju magistarskih i doktorskih diploma, obrazložila je pro.dr. Zemira Delalić, prorektor za nastavu. Napomenula je da je v.d. rektor na početku sjednice iznio razloga za ovaj prijedlog i da je predložio da se napravi proporcionalni omjer.

Nakon diskusije po ovoj tački, uz primjedbu da se u materijalima dostavljena dva obračuna troškova, članovi Upravnog odbora sa 6 glasova ZA i 3 SUZDRŽANA, donijeli su

ODLUKU

da se od Univerzitetskog nastavno-naučnog vijeća zatraži prijedlog visine naknada za rad u komisijama za nostrifikaciju doktorskih i magistarskih diploma.

- 8.2. Prof. dr. Zemira Delalić, obrazložila je da prijedlog v.d. rektora, vezano za odlazak rektora, prorektora i dekana visokoškolskih ustanova Univerziteta u Bihaću, u radnu posjetu univezitetima u Egipatu, Litvaniji i Mađarskoj, radi potpisivanja ugovora o međuuniverzitetskoj i naučno-istraživačkoj saradnji.

Uvažavajući stavove Univerzitetskog nastavno-naučnog vijeća i planirane aktivnosti oko potpisivanja ugovora o međuuniverzitetskoj i naučno-istraživačkoj saradnji, članovi Upravnog odbora jednoglasno su donijeli

ODLUKU
o davanju saglasnosti rektoru
Univerziteta u Bihaću za potpisivanje ugovora
o među-univerzitetskoj i naučno-istraživačkoj saradnji

sa:

- Tehnološkim Univerzitetom u Kaunasu, Litvanija,
- Univerzitetom u Kairu, Egipat i
- Univerzitet u Pečuhu, Mađarska .

- 8.3. Prof.dr. Vildane Alibabić, dala je informaciju vezano za sastanak koji je održala radna grupa imenovana od strane Upravnog odbora, sa predstavnicija izvršne, zakonodavne vlasti i predstavnicima svih političkih stranaka koje participiraju u vlasti u USK-a a vezano za Odluku Upravnog odbora da se Skupštini USK-a uputi inicijativa za donošenje Zakona o visokom obrazovanju, po hitnom postupku. Također je informisala Upravni odbor o sastanku kojem je prisustvovala u organizaciji TEMPUS –a, a isti se održavao u Sarajevu.
- 8.4. Obavezu da se izradi izvještaj o radu za 2008. godinu i program rada za 2009 godinu obrazložio je predsjednik Upravnog odbora Univerziteta u Bihaću. Iako je došlo do promjene upravljačke strukture na Univerzitetu radi se obavezama prema osnivaču i regulisane su Zakonom i podzakonskim propisima.
- 8.5. Potrebu pokretanja stručnog časopisa na nivou Univerziteta u Bihaću obrazložio je prof.dr. Osman Ramić. Članovi Upravnog odbora podržali su usmeni prijedlog, te sugerisali da se isti konkretnije osmisli i u pisanoj formi dostavi Upravnom odboru.

Predsjednik Upravnog odbora doc.dr. Ekrem Pehlić, u cilju upoznavanja Upravnog odbora Univerziteta, iznio je sljedeće: «Jučer sam bio u Ministarstvu obrazovanja i hoću to javno javno kažem, da to uđe ovdje u ovaj diktafon. Rečeno mi je da ima anonimna prijava na mene kao predsjednika Upravnog odbora i rektora, da smo u saradnji, i da ja prećutno odobravam njegovo imenovanje da je on rektor i dekan. Da će poduzeti određene mjere prema meni. Ja to javno hoću da kažem, da ja nisam ni u kakvom dogovoru ni sa rektorom ni sa upravnim odborom, da se to jednostavno zna, aki bi sutra došlo do suda (ko je to poslao na ministarstvo i zašto ja ne znam.).

Obzirom da se Upravni odbor nije izjasnio o prijedlogu koji je dao Suad Mahmutović, vezano za pripremanje materijala koji se razmatraju na Upravnom odboru Univerziteta, a predloženo je da se o istom izjasni Upravni odbor, jednoglasno je usvojen zaključak: Da u pripremanju materijala, koji se razmatraju na Upravnom odboru Univerziteta u Bihaću, moraju da učestvuju rektor, menadžment Univerziteta i stručne službe Univeverziteta.

Zapisnik sačinila:
Asija Cucak, dipl.pravnik

Predsjednik Upravnog odbora:
doc.dr. Ekrem Pehlić